

Դրամաշնորհային հաշվետվություն N 1

1. Ընդհանուր տեղեկատվություն

Ծրագրի անվանում	«Տարեցների և հաշմանդամություն ունեցող անձանց տնային պայմաններում խնամքի ծառայություններ»
Դրամաշնորհի N	Լոտ 13. Գեղարքունիքի մարզ- Սևան
Դրամաշնորհատու կազմակերպություն	ՀՀ աշխատանքի և սոցիալական հարցերի նախարարություն
Դրամաշնորհառու կազմակերպություն	«Առաքելություն Հայաստան» բարեգործական հասարակական կազմակերպություն
Ծրագրի իրականացման ժամանակահատված	01.01.-31.12.2022թթ.
Հաշվետու ժամանակահատված	01.01.-31.03.2022թթ.
Ներկայացման օր	07.04.2022թ.
Հաշվետվության պատասխանատու (անուն, ազգանուն, պաշտոն)	Սամվել Հակոբյան, Թիմ լիդեր

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Հաշվետու ժամանակահատվածի համար կատարման ենթակա գործողություններն են.

- սոցիալական աջակցության տրամադրում,
- հոգեբանական աջակցության տրամադրում,
- իրավական աջակցության տրամադրում,
- կենցաղային սպասարկում և խնամք,
- բժշկական օգնության տրամադրում, այդ թվում՝ պոլիկլինիկայից դեղորայքի ստացում,
- ազատ ժամանցի, մշակութային միջոցառումների կազմակերպում:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների , նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը

- Սոցիալական աջակցության տրամադրման շրջանակներում սոցիալական աշխատողի կողմից հաշվետու ժամանակահատվածում իրականացվել է թվով 51 կարիքի գնահատում և վերագնահատում: Սոցիալական աշխատողի կողմից իրականացված տունայցերի ընթացքում աջակցություն է տրամադրվել թվով 51 շահառուի, ներառյալ սոցիալական ոլորտի 1 դեպքի վարման իրականացում, 12 ուղղորդում, 5 միջամտություն/միջնորդում այլ կառույցներ:
- Դեպքի վարումը վերաբերվել է ընտանեկան նպաստի համակարգում շահառուի փաստագրմանը:
- Հոգեբանական աջակցության շրջանակում թվով 47 շահառուի տրամադրվել է հոգեբանական խորհրդատվություն: Անհատական հոգեբանական աշխատանքն ուղղված է եղել շահառուների հոգեբանական կայուն վիճակի պահպանմանը, հիշողության ամրապնդմանը, սթրեսակայության ձևավորմանը և/կամ պահպանմանը և այլն:
- Իրավական աջակցության շրջանակներում շահառուներին շարունակական տեղեկատվություն է տրամադրվել իրենց իրավունքների մասին:
- Կենցաղային սպասարկման և խնամքի ծառայություններից օգտվել է թվով 38 շահառու: Հիմնվելով գնահատված կարիքների և շահառուի ինքնասպասարկման կարողությունների գնահատման վրա՝ շահառուներին տրամադրվել են հետևյալ ծառայությունները՝ աջակցություն անձնական հիգիենայի պահպանման հարցում, աջակցություն բնակարանի մաքրության պահպանման հարցում, աջակցություն գնումների իրականացման հարցում, անհրաժեշտության դեպքում ուղեկցում՝ գնումների, զբոսանքի կամ շահառուի կարիքի բավարարման նպատակով համապատասխան այլ վայր:
- Բժշկական օգնության տրամադրման շրջանակներում 51 շահառուի իրականացվել է տունայց՝ ուղղված շահառուների առողջական վիճակի վերահսկման, տանը առկա դեղորայքի պիտանելիության ժամկետի ստուգմանը: Հաշվետու ժամանակահատվածում անվճար դեղորայքի իրավունք և տեղաշարժման սահմանափակում ունեցող թվով 2 շահառուի համար բուժքրոջ կողմից կազմակերպվել

է պոլիկլինիկայից դեղորայքի ստացում և փոխանցում շահառուին, ինչպես նաև թվով 1 շահառուի ուղեկցում բժշկական հաստատություններ:

- Ազատ ժամանցի, մշակութային միջոցառումների կազմակերպման շրջանակներում կազմակերպվել է թվով 3 միջոցառում՝ նվիրված կանանց միջազգային օրվան, Սուրբ Վալենտինի օրվան, շահառուի ծննդյան օրվան, որին մասնակցել է թվով 4 շահառու:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Հաշվետու ժամանակահատվածում համացանցում տեղադրվել է թվով 1 նյութ, որը ներկայացնում է Սևան համանքի տարեցների սպասարկումը տնային պայմաններում (տե՛ս հետևյալ հղումով՝

<https://www.facebook.com/1869626853286112/photos/a.1941754372740026/3055574954691290/>

):

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Հաշվետու ժամանակահատվածում, կորոնավիրուսային հիվանդության և եղանակային անբարենպաստ պայմաններով պայմանավորված, խնդիրներ են առաջացել շահառուներին միջոցառումների ներգրավման գործում: Առանց այդ էլ տեղաշարժման խնդիրներ ունենալով, շահառուները հրաժարվում են մասնակցել մշակութային միջոցառումներին:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Հաշվետու ժամանակահատվածում նախատեսվում է շարունակել իրականացվող հետևյալ գործողությունները.

- սոցիալական աջակցության տրամադրում,
- հոգեբանական աջակցության տրամադրում,
- իրավական աջակցության տրամադրում,
- կենցաղային սպասարկում և խնամք,
- բժշկական օգնության տրամադրում, այդ թվում՝ պոլիկլինիկայից դեղորայքի ստացում,
- ազատ ժամանցի, մշակութային միջոցառումների կազմակերպում:

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Ծրագրի նպատակին հասնելու համար, աշխատակազմի հմտություններն ավելի զարգացնելու նպատակով, իրականացվել են դեպքերի թիմային քննարկումներ: Սոցիալական աշխատողի համար իրականացվել են վերապատրաստումներ «Շահառուների ընդգրկման գործընթացում հանդիպող հիմնական դժվարությունները» թեմայով:

Միասնական սոցիալական ծառայության տարածքային կենտրոնի համապատասխան մասնագետների հետ քննարկվել են ուղեգրերի տրամադրման, շահառուների ընդգրկման հետ կապված հարցեր:

Բժշկական կենտրոնի տնօրենի հետ քննարկվել են բժշկական քարտերի տրամադրման ընթացքում առաջացած խնդիրների հաղթահարման հարցեր:

Հաշվետու ժամանակահատվածում «Առաքելություն Հայաստան» կազմակերպության կողմից նախաձեռնվել է հանդիպում Միասնական սոցիալական ծառայության, Աշխատանքի եւ սոցիալական հարցերի նախարարության, ինչպես նաեւ գործընկեր հասարակական կազմակերպությունների ներկայացուցիչների հետ՝ ուղղված կառավարության կողմից ֆինանսավորվող դրամաշնորհների շրջանակներում իրականացվող ծրագրերում շահառուների ուղեգրման ընթացքում առաջացող դժվարություններին: Հանդիպման ընթացքում քննարկվել են համատեղ համագործակցության եւ առկա խնդիրների հաղթահարմանն ուղղված մեխանիզմների մշակման հետ կապված հարցեր:

ՊԵՏԱԿԱՆ ՄԱՐՄԻՆ	ԿԱԶՄԱԿԵՐՊՈՒԹՅՈՒՆ
ՀՀ աշխատանքի և սոցիալական հարցերի նախարարություն	«Առաքելություն Հայաստան» ԲՀԿ
Նախարարության գլխավոր քարտուղար՝	Նախագահ՝
<div></div> <div>(ստորագրություն)</div>	<div></div> <div>(ստորագրություն)</div>
Ս.Մուրադյան Կ. Տ.	Ե.Մխիթարյան Կ. Տ.